

## Акафист преподобному Герману Аляскинскому

### Кондак 1

Избранный чудотворче и преславный угодниче Христов, богоносне отче наш Германе, Аляски украшение и Церкви Православныя радование, воспеваем ти похвалы сия. Ты же, яко Небесный наш покровитель и всемогущий пред Богом молитвенник, не престаи ходатайствовать о нас, чадах твоих, усердно тебе вопиющих: Радуйся, преподобне отче наш Германе, преславный чудотворче.

### Икос 1

Ангелов Творец предызбра ты, отче Германе, проповедником быти православныя веры в землях новых и посла ты, яко благовестника, ко язычником, да возсияет им свет Истины. Благодарнии же людие воспевают тебе, яко Небесному покровителю, похвалы сия:

Радуйся, пустынею Саровскою издѣтка возвращенный;

радуйся, Валаамския обители отрасли пречестная.

Радуйся, пустынное уединение возлюбивый;

радуйся, Божиею Материю от смерти спасенный.

Радуйся, апостолов последователю;

радуйся, свет истинныя веры во Америку принесый.

Радуйся, Фаворским светом озаренный;

радуйся, тьму идолослужения Христом просветивый.

Радуйся, преподобне отче наш Германе, преславный чудотворче.

### Кондак 2

Видя Господь пламенную любовь твою, еуже от юности возгорѣся, преподобне, во обитель Саровскую Ему единому послужити приведе ты, последи же на остров Валаамский путь твой управи, идеже в сонме иноков ты воспевал еси неустанно: Аллилуиа.

### Икос 2

Разум духовный тебе от юности даровася, святче Божий, да уразумеши красоту небесную и сладость ея. Сего ради от премудраго игумена Назария, наставника преподобнаго Серафима Саровскаго, поучался еси премудрости Божией и путем Господним, темже Святая Церковь восхваляет тя:

Радуйся, в дѣбрых саровских старцу пустыннику послуживый;

радуйся, с преподобным Серафимом единого наставника имевый.

Радуйся, яко пчела, от великаго Феодора духовный нектар в Санаксаре собравый;

радуйся, во преславную обитель Валаамскую на подвиги пришедый.

Ра́дуйся, яко тезоименітому тебе́ Герману, первоначальнику Валаа́мскому, святостию уподо́бился еси́;

ра́дуйся, яко по́двиги пустынножи́тельския подъя́л еси́.

Ра́дуйся, за кро́тость и ти́хость бра́тиєю валаа́мскою почита́емый;

ра́дуйся, ны́не всею́ Църковию прославля́емый.

Ра́дуйся, преподо́бне о́тче наш Германе, пресла́вный чудотво́рче.

### Кондак 3

Си́ла Вы́шняго повеле́ богому́дрому Петро́ва гра́да святителю́ Гаври́илу послати́ пропове́дники правосла́вныя ве́ры в зе́млю Аля́скинскую и тебе́, преподо́бне Германе, сей жре́бий апо́стольский прия́ти. Те́мже вси лю́дие, просвеще́ннии све́том Христо́вым труды́ твоими́ и о́бразом жити́я твоего́, воспéша Бо́гу: Аллилу́иа.

### Икос 3

Име́я не то́кмо тща́ние о по́двизе ино́честем, но и ре́вность апо́стольскую в пропове́дании, ты, преподо́бне Германе, лю́дем, во тьме язы́ческаго неведе́ния сидя́щим, Христа́ распя́того и воскрéсшаго возвестил еси́. Помина́юще у́бо ино́ческая бде́ния тво́я и труды́ апо́стольския, с любóвию восхваля́ем тя:

Ра́дуйся, безро́потное послуша́ние игу́мену яв́ивый;

ра́дуйся, в путь да́льний про́поведи ра́ди ева́нгельския отше́дый.

Ра́дуйся, любве́ ко оте́честву не угаси́вый;

ра́дуйся, но́вое твоё оте́чество пла́менне возлюб́ивый.

Ра́дуйся, ино́ческаго жити́я во Аме́рице первоначальниче;

ра́дуйся, правосла́вныя ве́ры ре́вностный пропове́дниче.

Ра́дуйся, о́бразе преподо́бных оби́тели Ла́дожския;

ра́дуйся, Се́верныя Фива́иды о́трасле, во Аля́ске процветы́й.

Ра́дуйся, преподо́бне о́тче наш Германе, пресла́вный чудотво́рче.

### Кондак 4

Бу́рю злых напа́стей и скорбе́й претерпéл еси́, преподо́бне, и по́двигом до́брым во стране́ но́вей подвиза́лся еси́, сегó ра́ди и Христо́с тя просла́ви и да́ром прозре́ния и чудес обогати́ и дарова́ тебе́ Ца́рство Небе́сное, иде́же ты со А́нгелы воспева́еши Бо́гу: Аллилу́иа.

### Икос 4

Слы́шаще о чудесе́х твои́х, лю́дем явле́нных, егда́ о́гненное запале́ние и наводне́ние губи́тельное ты остано́вил еси́ моли́твою сво́ею, вси лю́дие умили́хуся се́рдцем. Мо́лим тя и нам яв́ити си́лу твою́ и по́мощь, к тебе́ вопию́щим:

Ра́дуйся, богопропове́дниче, ре́вностию тво́ею нас вдохновля́й;

ра́дуйся, боголю́бче, сердца́ на́ша ра́достью исполня́й.  
Ра́дуйся, за всех уныва́ющих те́плый моли́твенниче;  
ра́дуйся, душ смяте́нных пресла́достный умири́телю.  
Ра́дуйся, я́ко смире́нием твои́м пода́еши стра́ждущим исцеле́ние;  
ра́дуйся, я́ко кро́тостью тво́ею окрыля́еши ду́ши на́ша во е́же созерца́ти го́рняя.

Ра́дуйся, тве́рдый вразуми́телю всех отше́дших от Правосла́вия;

ра́дуйся, любо́вию тво́ею направля́й нас на путь пра́вый.

Ра́дуйся, преподо́бне о́тче наш Ге́рмане, пресла́вный чудотво́рче.

### Кондак 5

Я́ко звезда́ во стране́ полуно́щней возсия́л еси́, преподо́бне, на о́строве Ело́вем, Но́вый Вала́ам нарече́ннем, да озари́ши све́том любве́ твоея́ и богомо́щною моли́твою тво́ею всю зе́млю Америкáнскую, да со всех конце́в ея́ лю́дие правосла́внии воспою́т те́пле Бо́гу: Аллилу́иа.

### Икос 5

Ви́дяще смире́ние тво́е, о́тче наш Ге́рмане, вси дивля́хуся зело́, ка́ко ты, преподо́бному Анто́нию Пече́рскому, первонача́льнику мона́шества на Руси́, подража́я, восхоте́л еси́ просты́м ино́ком бы́ти и по вели́кому смире́нию тво́ему от служе́ния священни́ческаго отрече́лся еси́. Сего́ ра́ди взыва́ем ти такова́я:

Ра́дуйся, первонача́льниче мона́шества во Аме́рице;

ра́дуйся, смире́нием небеса́наго Оте́чества дости́гнувый.

Ра́дуйся, небеса́ною сла́вою увенча́нный;

ра́дуйся, оби́тель на месте по́двигов твои́х предрекíй.

Ра́дуйся, мо́щи тво́я предрече́нной оби́тели дарова́вый;

ра́дуйся, исто́чник чуде́с от них ми́ру яви́вый.

Ра́дуйся, защи́тниче те́плый бра́тии, тобо́ю собира́емая;

ра́дуйся, ино́ком вождь ве́лий на бра́ни невиди́мой.

Ра́дуйся, преподо́бне о́тче наш Ге́рмане, пресла́вный чудотво́рче.

### Кондак 6

Пропове́дует пусты́ня се́верная по́двиги и чудеса́ тво́я, преподо́бне, и ты, я́ко но́вую ветвь виногра́дника Це́ркве Ру́сския, на земли́ Америкáнстей прозя́бшую, прославля́ет. Ты бо де́бри Аля́ски и леса́ ея́ моли́твою тво́ею облагоуха́л еси́ и, подви́жником дре́вним подража́я, в безмо́лвии но́щнем взыва́л еси́ к Бо́гу: Аллилу́иа.

### Икос 6

Просвети́вый люде́й, во тьме язы́честей пребыва́ющих, и о́браз подви́жника́скаго жити́я сим показáвый, моли́ся о всех нас, богоно́сне о́тче наш

Германе, да и мы, благодаряще Господа за милость Его, нам явленную, непрестанно воспеваем ти похвальные сия глаголы:

Радуйся, Пресвятая Троицы служителю верный;  
радуйся, пустыни Еловыя подвижниче усердный.  
Радуйся, щит веры живыя и разумныя всем подавая;  
радуйся, тьму светом евангельским просвещая.  
Радуйся, яко суету и уныние богомыслием отгнал еси;  
радуйся, яко убога себе именуя, смирению всех поучал еси.  
Радуйся, сердца наша радостью твоею исполненный;  
радуйся, надеждою благою нас укрепивый  
Радуйся, преподобне отче наш Германе, преславный чудотворче.

### Кондак 7

Хотяи возсияти свету богопознания во стране язычестей, благоволи Господь сяти семена веры православныя и повеле тебе, преподобне, да всех научиши вере истинней и защитиши ю. Ты же, яко пастырь безстрашный малому стаду евангельски зываеши, да не убоимся, яко обетовано есть нам Небесное Царствие, темже наученнии тобою, радостне поем: Аллилуиа.

### Икос 7

Дивно в вышних молитвенно пребывал еси, преподобне, но и в нижних на земли сущих не забывал еси, наипаче же о сиротах велие попечение явил еси, устрояя приют им и училище, идеже заповедем Господним поучал еси их. Сих ради трудов твоих приими от нас похвалы сия:

Радуйся, нищих и сирот защитителю;  
радуйся, благостный о них попечителю.  
Радуйся, яко страху Божию чада своя научал еси;  
радуйся, яко живую водою Евангелия всех напоил еси.  
Радуйся, молитвы непрестанныя учителю;  
радуйся, хлебом небесным и земным сиропитателю.  
Радуйся, плоть покоряти духу поучавый;  
радуйся, Бога всем сердцем любить наставлявый.  
Радуйся, преподобне отче наш Германе, преславный чудотворче.

### Кондак 8

Странное чудо яви человеколюбец Господь, дарова бо тебе, преподобне, дар прозрения и исцеления яко источник утешения людем Своим. Ты же своими и словесы привел еси многия к любви Божией. Темже сиянием подвигов твоих просвещеннии, людие зываху ко Господу: Аллилуиа.

### Икос 8

Избран Богом был еси, отче преподобне, темже людие новопросвещеннии светом Христова веры притекаху к тебе в болезнях и печалех. Ты же, яко отец чадолюбивый, представляствовал еси за всех в молитвах, источая исцеления и утешая всех, к тебе о помощи взывающих, темже славляху тя духовная чада твоя:

Радуйся, душ смятенных умирителю пресладкий;  
радуйся, врачу наш безмездный и благодатный.  
Радуйся, немощей наших целителю милосердный;  
радуйся, в бедах и обстояниях помощниче скорый.  
Радуйся, лишенным кровя теплое прибежище;  
радуйся, обуреваемым, яко «Скала Монашеская», тихое пристанище.  
Радуйся, грядущая яко настоящая провидевый;  
радуйся, прегрешений сокровенных обличителю прозорливый.  
Радуйся, преподобне отче наш Германе, преславный чудотворче.

#### Кондак 9

Всего себе Господеву предал еси, блаженне, темже со Ангелы в пустыни сладостно беседовал еси. И ныне с лики ангельскими на Небесех непрестанно взываеши Творцу всех и Создателю хвалённое: Аллилуиа.

#### Икос 9

Ветии многовещаннии не возмогут исчислити чудеса твоя, людем явленная, яко и души нечистии по словеси твоему от людей страждущих исхождаху. Егда же бысть наводнение велие, ты молитвою своею пред иконою Божия Матере остановил еси море, глаголя: «Далее сея черты не преидет вода». Темже ти воспеваем сщце:

Радуйся, стихии водныя умирителю дивный;  
радуйся, от запаления леснаго избавителю преславный.  
Радуйся, святителя Иннокентия, в море взывавшаго к тебе, услышавый;  
радуйся, по морю плавающим кормчий надёжный.  
Радуйся, яко гнев злых людей тихостию исправлял еси;  
радуйся, яко дивное благоухание с небес к тебе прибегающим ниспосылал еси.  
Радуйся, велия знамения при жизни твоей показавый;  
радуйся, и по смерти твоей многая чудеса явивый.  
Радуйся, преподобне отче наш Германе, преславный чудотворче.

#### Кондак 10

Спасительнаго сияния Господня, в вертограде земли Американския насажденнаго, плод красный духом провидя, песнь благодарственную

Пресвятѣй Трѳице посреде пустыни северныя возносил еси, отче святѣй Германе, и со Ангелы небесными зывал еси: Аллилуиа.

### Икос 10

Стена еси всем, прибегающим к тебе, отче, яко в житии твоём преславная показал еси, и при кончине твоёй дивное чудо явил. Людие же, видяще в час кончины твоёй огненный столп до небес и нетление телес твоёго, возопиша тебе такова:я:

Радуйся, праведною кончиною в святости твоёй нас уверивый;  
радуйся, яко восхождение твоё на небеса столпом огненным знаменася.  
Радуйся, яко и гроб твой недужным исцеления источаше;  
радуйся, мочи твоёя благоуханныя в наследие нам оставивый;  
Радуйся, яко у раки твоёя хромии восташа и глас твой из гроба слышаша.  
радуйся, яко источник воды святѣя и целёбныя нам даровал еси.  
Радуйся, яко старцу Герасиму явился еси, на Еловый остров того призываяй;  
радуйся, таинственно, яко живый, на острове сем пребываяй.  
Радуйся, преподобне отче наш Германе, преславный чудотворче.

### Кондак 11

Пение хвалёбное тебе приносим, отче преподобне, о праведном житии твоём. Восхваляем и честную кончину твою, яко предузнал еси час преставления своего, ученик же твой Герасим обонял есть благоухание дивное в час той. Преславно бысть и погребение твоё, егда исполнися предречённое тобою. Мы же воспеваем чудодёющему Богу: Аллилуиа.

### Икос 11

Светоподательный светильник был еси всему иноческому чину дальния Америки, преподобне отче наш Германе, научая подвигу, защищая от напастей, ходатайствуя о них и глаголя: «Не в морских токмо волнах обуреваемся, но среди прелестнаго и многоятежнаго мира страждем и скитаемся, обаче к небесному нашему Отечеству грядём». Сего ради вопиём ти:

Радуйся, верный сподвижник Иоасафа, перваго епископа Русския Америки;  
радуйся, свидетелю ревности Иувеналиевы даже до смерти.  
Радуйся, алеута Петра пронарекый новомученика;  
радуйся, предвидевый святительство Иннокентия в земли Алеутстей.  
Радуйся, ученику своему Сергию образ иноческаго жития показавый;  
радуйся, инока Герасима на Новый Валаам чудесно призывавый.  
Радуйся, на Руси, безбожием пленённой, Адриана пресвитера от темницы оградивый;  
радуйся, святителя Иоанна тебе прославити подвигнувый.

Ра́дуйся, преподо́бне о́тче наш Ге́рмане, пресла́вный чудотво́рче.

### Кондак 12

Благода́ти испо́лнена ве́дуще тя, преподо́бне отче, прóсим: моли́ся те́пле ко Го́споду, да оградíт Це́рковь Свою́ Святу́ю от дýха ми́ра сегó, вою́ющего на сынóв Ея́ неvéрием и отвраща́ющего от богодарова́нныя жизни, да́бы восходи́ти нам от земли́ на не́бо и воспевáти Бо́гу: Аллилу́иа.

### Икос 12

Пою́ще твоё прославлéние, преподо́бне, ублажа́ем тя, я́ко многомо́щна моли́твенника и предстáтеля нáшего. Ты же, стяжавый Дýха Свята́го и Тем просветíвый лю́ди земли́ Америкáнския, услы́ши нас, вопи́ющих к тебе́ такова́я:

Ра́дуйся, моли́тву чи́стую и теплоту́ серде́чную стяжавый;

ра́дуйся, слéз твои́х течéньми пусты́ни беспло́дное возде́лавый.

ра́дуйся, я́ко се́рдце твоё бысть благода́ти Бо́жия испо́лнено.

ра́дуйся, свéтом сокровéнным осия́нный.

Ра́дуйся, умóм очи́щенным та́йны Божéственныя созерца́вый;

ра́дуйся, тишины́ и ми́ра по́мыслов дости́гнувый.

Ра́дуйся, сердца́ Дýхом Святы́м просвещáяй;

ра́дуйся, соверше́нство обрeтýй и нас к сему́ призывáяй.

Ра́дуйся, преподо́бне о́тче наш Ге́рмане, пресла́вный чудотво́рче.

### Кондак 13

О, пресла́вный уго́днице Бо́жий, преподо́бне и богоно́сне о́тче наш Ге́рмане, приими́ ма́лое сиé моле́ние нáше, в похвалу́ тебе́ возно́симое, и предсто́я ны́не престóлу Го́спода Вседержи́теля, непреста́нно моли́ся о нас, ча́дех твои́х да, пребыва́юще в любви́ и единомы́слии, навы́кнем всегда́ твори́ти волю́ Бо́жию по слову́ твоему́: «От сегó дне, от сегó часа́ да бýдем люби́ти Бо́га превы́ше всего́ и твори́ти святу́ю волю́ Его́», и кúпно с тобо́ю сподо́бимся воспевáти хвале́бную песнь: Аллилу́иа.

### Молитва

О, предивный уго́днице Бо́жий, преподо́бне о́тче наш Ге́рмане, ты по́двигом до́брым подвизáлся еси́, хлад и ины́я тяготы́ в земли́ Алеу́тстей претерпéл еси́.

Ны́не же испо́лнися сло́во Господне на тебе́, в ма́лом ве́рным Ему́ б́вшем, те́мже и поста́ви тя Господь я́ко Небéснаго покрови́теля Це́ркве Америкáнския. Мы же вси взывáем ти те́плою моли́твою: моли́ся за Це́рковь нáшу Святу́ю, да оградíт Ю́ Господь от темных сил вра́жиих, нас да сохрани́т в чистоте́ и благоче́стии, да утверди́т в ве́ре крéпкой и несумне́нной. И испроси́ всем нам дýха ми́ра и любве́, дýха крóтости и смире́ния, горды́ни отгна́ние, от

самопревозношения ограждение, болящим помощь и исцеление, скорбящим утешение, алчущим правды духовная пища Небесную. Да, улучивше желаемая, обрящем праведное воздаяние в день Страшного Суда и со всеми святыми воспоём и прославим Живоначальную Троицу, Отца Непостижимаго, Истиннаго и Единороднаго Сына и Святаго Утешителя Духа, во веки. **Аминь.**